



# PREMIO OZIERI di Letteratura Sarda



## BANDU 2025, SA DE 66 EDITZIONES Iscadèntzia su 31 de maju 2025

Su Prèmiu de Otieri, fundadu dae Tonino Ledda in su 1956, contivizat atividades chi agiuant sa cultura, sa limba e sa literatura de Sardigna.

### RÈGULAS DE PARTECIPATZIONE

1. Sunt ammissas a su Prèmiu sas òperas in limba sarda e in gadduresu, tataresu, saligheresu e tabarchinu.
2. Totu sas òperas divent èssere inèditas e non divent àere àpidu riconoscimentos in àteros cuncursos literàrios a sa die de s'imbiu.
3. Si cuncurret a s'indonu e non b'at tassa peruna.
4. Cada cuncurrente podet imbiare finas a tres òperas, una pro onzi setzione.
5. Sas setziones de su Prèmiu sunt:
  - a) POESIA SARDA "Antoni Sanna". Dogni cuncurrente podet imbiare una poesia a tema liberu, cun rima o chena rima. Sa poesia non che devet colare sos 40 versos.
  - b) PROSA SARDA "Tonino Ledda". Dogni cuncurrente podet mandare unu contadu. Su contadu non che devet colare sas 5 pàginas in frommadu A4, cun corpus 12 e totu sos oros postos nessi a 2 cm.
  - c) TRA POESIA E CÀNTIGU "Antoni Cubeddu". Dogni cuncurrente podet imbiare una cantone a tema liberu, sighende sos ischemas e sas formas mètricas ligadas a su connotu (atitidos, cantadas in lira, cantones torradas, gosos, glossas, modas, modellos, mutos, ninnidos, repentinas etc.)
6. Sas òperas divent èssere iscritas a computadore.
7. Est agradèssidu s'impreu de sas règulas ortogràficas ufitziales o reconnotas dae sa parte manna de sas comunidades linguistigas, comente cussa cussigiada dae su Prèmiu Otieri etotu pro su sardu, sa norma sighida dae sa comuna de s'Alighera pro s'aligheresu e cussas adotadas dae sa Regione Sardigna in contu de gadduresu, turritanu e tabarchinu. Pro informatziones prus fungudas, si andet a sa pàgina <https://premiozieri.it/index.php/antologia-multimediale/regole-ortografiche>
8. Sas òperas divent giùghere iscritu, in finitia e in cada còpia, nùmene e sambenadu de s'autore, die e logu de nàschida, s'indiriztu, su nùmeru de telèfonu e s'indiriztu de posta eletrònica ue si diat chèrrere giamadu pro dogni bisonzu.
9. Sas òperas anònimas o cun pseudònimos non ant a èssere ammissas.
10. Si podet imbiare finas carchi riga de curriculum e novas subra a s'autore.
11. Est agradèssida una tradutzione in limba italiana o unu glossàriu de sas paràulas pagu nòdidas.
12. Sos trabàglios divent giòmpere a su Prèmiu intro de su 31 de maju 2025 in una de custas maneras, a sèberu de su poeta:
  - a) imbiende sos trabàglios a s'indiriztu de posta eletrònica [info@premiozieri.it](mailto:info@premiozieri.it);
  - b) imbiende una còpia de sos documentos cun sas òperas in pabilu a:  
Segreteria de su Prèmiu Otieri  
Via Ugo La Malfa, 28  
07014 OZIERI (SS).
13. S'at a tènnere in contu de sa data de s'imbiu de



sa posta eletrònica o de su sizillu postale.

14. Chie imbiat sos trabàglios in posta eletrònica devet iscrìere sa setzione in s'ogetu de su messàgiu (es.: *Setzione Prosa Sarda «T. Ledda»*).
15. Chie imbiat sos trabàglios in pabilu devet iscrìere subra a sa busta su nùmene de sa setzione (es.: *Setzione Poesia Sarda «A. Sanna»*).
16. Sas òperas ant a èssere giugadas dae sa Giuria de su Prèmiu, chi est frommada dae:
  - su presidente Dino Manca;
  - sa vicepresidente Anna Cristina Serra;
  - sos giurados Cristiano Becciu, Antonio Canalis, Duilio Caocci, Clara Farina, Attilio Mastino, Riccardo Mura, Gianbernardo Piroddi, Simone Pisano, Gabriele Tanda, Salvatore Tola.
17. Su giuditziu de sa Giuria non si podet cuntestare.
18. A sos primos tres classificados de cada setzione s'ant a dare sos prèmios chi sighint:
  - 1° classificadu: assignu de € 500 e medàglia;
  - 2° classificadu: assignu de € 300 e medàglia;
  - 3° classificadu: assignu de € 200 e medàglia.
19. Sa Giuria podet assignare prèmios ispeciales.
20. Sos primos classificados podent torrare a bincher cussa matessi setzione solu a pustis de duos annos.
21. Sos premiados ant a retzire un'avisu dae sa

segreteria de su Prèmiu cun sa mutida pro partetzipare a sa tzerimònia de premiatzione.

22. Sas poesias e sas prosas premiadas podent èssere postas in s'antologia annuale.
23. Sos documentos non benint torrados in segus e su Sòtziu si reservat sa facultade de publicare sas òperas cando e comente podet capitare, finas in sa ràdio, in sa televisione e in sos mèdios telemàticos, chena pagamentu perunu a s'autore, chi est semper padronu de s'òpera chi at iscritu e nde podet dispònnere a piaghère sou.
24. A leare parte a su cuncursu cheret nàrrere chi s'autore atzetat in pienu sas règulas istabilidas dae custu bandu.

### CENTRU DE DOCUMENTATZIONE

Su Sòtziu *Premio Ozieri di Letteratura Sarda* est cogliende totu sos trabàglios chi pertocant a sos poetas e a sos iscritores de Sardigna: maniscritos, libros, fotografias, filmados e àteru. Semus costoende in ie totu su chi amus retzidu in sessant'annos e più de impignu nostru e bostru, pro lu lassare a eridade a istudiosos e a amantiosos de oe e de su benidore, a manera de sighire sas àndalas de un'idea chi non morit.

Si podet bìdere su trabàgliu già cumpridu in su giassu [www.premiozieri.it](http://www.premiozieri.it).

Sos autores chi sunt interessados a lassare, dae como o unu cras, a su Centru de Documentatzione, totu o in parte, sa produzione literària e documentos issoro, nos lu podent fàghere ischire a s'indiritzu [info@premiozieri.it](mailto:info@premiozieri.it).

### CUN S'AGIUDU DE



**REGIONE AUTÒNOMA DE SA SARDIGNA**  
Assessoradu de s'istruzzione pùblica, benes  
culturales, informatzione, ispetàculu e isport



**CITTÀ DI OZIERI**



**SOCIETÀ BEATA VERGINE DEL RIMEDIO**



**ROTARY CLUB OZIERI**



**PANATHON CLUB OZIERI**



**PROVINCIA DI SASSARI**



**UNIONE DEL LOGUDORO**



**PRO LOCO OZIERI**



**LIONS CLUB OZIERI**



**ISTITUZIONE SAN MICHELE OZIERI**

